山庫全幸

史部

欽定四庫全書

歷代名臣奏議卷五十四

校對官庶吉士臣毛鳳儀

總校官編修臣王燕緒

詳校官檢討E朱依見

編

修臣提誦覆勘

膽録監生臣戈廷模

こりョニトラ 貝 契為司徒 歷代名 臣奏議 五教而期于 以百姓不親 無刑馬 撰

|若三代王者之制則亦有之曰凡聽五刑之訟必原父 之治為之教以明之為之刑以獨之雖其所施或先或 多好四周全書 忠爱者亦始得其所施而不悖此先玉之義刑義殺所 以雖或傷民之肌膚殘民之軀命然刑一人而天下之 子之親立君臣之義以權之盖必如此然後輕重之序 後或殺或急而其丁寧深切之意未嘗不在乎此也乃 可得而論淺深之量可得而測而所以悉其聰明致其 綱五常天理民奏之大節而治道之本根也故聖 卷五十

心而使微訟之愈繁則不講乎先王之法之過也臣伏 之刻簿者既無足論矣至於都儒姑息之論異端報應 欠之日间 在 見近年以来或以妻殺夫或以族子殺族父或以地客 輕而愈不足以厚民之俗往往反以長其悖逆作亂之 之說俗吏便文自營之計則又一以輕刑為事然刑愈 其有常之性也後世之論刑者不知出此其陷於申商 人雖然不敢肆意於為惡則是乃所以正直輔翼而若 地主而有司議刑卒從流宥之法夫殺人者不死傷 歷代名臣奏詞

吏之私計得以行乎其間 下深詔中外司政典獄之官凡有獄訟必先論其尊卑 其繁於父子之親君臣之義三綱之重又非凡人 者乎然臣非敢以此之故遂勸陛下深於用法而果 而舜之所謂無刑者又何日而 不以經術義理裁之而世儒之鄙論異端之邪說 人也但竊以為諸若此類涉於人倫風化之本者 則天理民奏幾何不至於 可期哉故臣伏 願 於 比

金少世月月十

人者不刑雖二帝三王不能以此為治於天下而況

卷五十

欠己可以上的 聖王所以敦典敷教制刑明辟之大端而不敢陰為姑 息果報便文之計則庶幾有以助成世教而仰稱陛 教學古入官之士與凡執法治民之官皆使略知古先 不幸至於殺傷者雖有疑慮可憫而至於奏獻亦不許 及於教化刑罰之意者刑其精要之語聚為一書 用擬貸之例又詔儒臣博来經史以及古今賢哲議 **陵尊者雖直不宥其不直者罪加凡人之坐其有** 歷代名臣奏敬

一下長幼親疎之分而後聽其曲直之辭凡以下犯上

異二者 **喜提舉浙東常平茶鹽公事上奏曰臣聞人主所** E 好生惡殺 本然循之則其心公而且正人欲者此心之疾疾循之 其心私而且那公而正者逸而日休私 **扯其效至於治亂安危有大相絕者而其端特在大** 念之間而已舜禹相傳所謂人 下之事者本乎一心而心之所主又有天理人欲之 分而公私邪正之塗判矣盖天理者此心之 期於無刑之本意 心惟危道心惟後 而邪者勞 制 而

多分四层八量

突與之中而必深求天下敦厚誠實剛明公正之賢以 為輔相使之博選士大夫之聰明達理直該敢言忠信 所能獨任者是以人君既正其心誠其意於堂阼之上 因竊以是推之而得其說請昧萬死為陛下一二陳之 而間者臨軒慨然發嘆乃或未免以治效之不進為憂 為之資膺受付託憂勤願治恭儉愛民二十年於此矣 夫天下之治固必出於一人而天下之事則有非 惟一允執厥中者正謂此也臣當竊怪陛下以大有

次と日東を与

歷代名臣奏談

金ケロ 得 泉職以上輔君徳下固邦本而左右私褻使令之賤 之盖其人可退而其位不可以茍充其人可廢而其任 廉節足以有為有守者随其器能寘之列位使之交 或反是則為人欲私意之病其偏黨反側點閣猜 然至正泰然行其所無事而坐沒百官衆職之成功 以奸其間者有功則久其任不稱則更求賢者而 理 而 以輕奪此天理之當然而不可易者也人君察於 たんぎつ 不敢以一毫私意鑿於其間則其心廓然 無 易

一管選建豪英任以政事矣不幸其間不能盡得其人或 日輕既而陛下亦處其勢有所偏而因重以壅已也 右私褻使令之賤始得以奉清閒備驅使而宰相之 哲 固日擾擾乎方寸之間而姦偽讒患叢脞眩瞀又将有 以庸陋猥瑣不堪委寄或以朋比欺罔自速罪辜而陛 不可勝言者此亦理之必然也恭惟陛下即政之初盖 下之心又本有前日推臣跋扈之疑是以不復廣求賢 而姑取軟熟易制承順不違之人以充其位於是左

次定可事主

歷代名臣奏議

此 惡陛下之用力則已勞矣而其愈張擒縱之機周防 備之計又可謂無遺巧矣然而天下之勢終不免於偏 既未能循天理公聖心以正朝廷之大體 時聽外庭之論雖甚狂計無所違忤意者将以陰察 軍之員犯而操切之故其有所忌憚而不敢肆於為 所重而治亂安危之效又未能盡如聖志之所欲盖 之追見有時而近習之從容無間士大夫之禮 而又欲無聽士大夫之公言以為獨取之術 則固己失 則士 畏

タロガと言

輩之勢日重雖欲無採公論而士大夫之勢日輕重者 先已堕其數中矣是以比来陛下雖欲微抑此輩而 既足以蠱心志其胥史狡獪之術又足以眩聰明此其 姦窮惡稔蹤跡敗露然後其素輕者不免於譴訶然猶 てこりも ニュ 熟甘苦既有所分則恐陛下未及施其駕取之策而 淮而難親其議論又苦而難入近習便僻側媚之態 所重以為竊位固寵之計中外相應更濟其私至於 挟其重以竊陛下之權其輕而姦者又借力於陸 歷代名臣奏議 此

姦而反以助成其勢若彼之所以報應天理濁亂聖心 以成天下之務而反以敗之其巧既不足以勝群小之 委蛇盤磚不失其崇資峻秩而攫取陛下之厚賜優禮 僅存臻盖群小相挺人人皆得滿其所欲唯有陛 無所得而國家顧乃獨受其弊是則陛下之勞既 去其素重者則陛下固未當一問其朋比援 传充塞貨路公行兵怨民愁盗賊間作灾異數見機 日往月來浸淫耗蝕使陛下之德業日隳綱 . AC 引之姦 下了 日壊 不足

多定

四庫全書

卷五十四

察天理以公聖心廣求賢才以修聖政則夫左右私東 幸復以職事得望清光敢畢其餘忠如此誠願陛下深 實在於此而學淺辭拙不足以起發聖意恐懼至今乃 部言事皆以明理正心之說陳于陛下之前倦怅深衷 大臣而其為害輾轉至此所謂差之毫釐謬以千里者 使令之殿固已無隙可投以誤恩顧則又痛斥而遠 臣恐陛下於此偶未察也是以往歲家恩賜對去年 則将益深錮而遂至於不可解盖其失萌於一念之疑 へん) ヨラー とれり 歷代名臣奏議

之姿有孝友温恭之徳有寬仁博爱之度有神武不殺 **燕直實文閣上封事曰臣竊惟皇帝陛下有聰明春智** 妄論至此悲憤填臆伏惟陛下赦其罪而納其忠深為 愚極陋學無所成獨有螻蟻爱君憂國之心不能自己 實天下之幸 之以永除後日散遮濁亂深錮之害庶幾天下之事猶 宗廟社稷大計不俟終日斷然行之則不唯愚臣之幸 可復為而陛下之國家將不至於卒受群小之弊臣至

動好四月百十

無不中於義理然猶未當少有自及之心是其平居所 對得近日月之光感幸之深其敢無說以效愚忠之 次定四車全書 一 一念之間斷及其身之所履有大變草則又必因是而 二盖臣聞古之聖賢窮理盡性備道全徳其所施為雖 延頸舉踵觀徳聽風而臣適逢斯時首蒙趣召且辱賜 飛虎變仰極當天凡在覆載之間稍有血氣之屬莫不 之威養德春宫垂二十年一旦受命慈皇親傅大寶龍 操存省察而致其懲忿室慈選善改過之功者固無 歷代名臣奏詠

身之變章孰有大於此者則凡所以警動其心而謹 矣今者陛下自儲貳而復至尊由監撫而專聽斷 生自貼哲命今天其命哲命吉凶命歷年知今我 自新者計已無所不用其極矣而臣之愚循竊 厥命惟新厥徳召公之戒成王曰若生子罔不在厥 之告太甲日今王嗣厥徳罔不在初又日今嗣王新 有以大警動於其心馬所以謹初始而重自新也伊 鱼气 惟王其疾敬徳盖深以是而望於其君其意亦已 Ľ 有懼馬 其為 初 切 服

孽之的将有作於助綿之間出於防慮之外者是以 節財用 之則若講學以正心若修身以齊家若遠便嬖以近 忘頭賤而妄以平日私憂過計之所及者深為陛下籌 直若抑私恩以抗公道若明義理以絕神姦若擇 者誠恐萬分有一所以警動自新之目或未悉舉則蒙 下所當警動自新而不可一 輔皇儲若精選任以明體統若振綱紀以厲風俗若 以固邦本若脩政事以禦敵國凡是十者皆 有闕馬者也臣不勝犬 師 馬 忠 傅 軱

次足四車と与

歷代名臣奏議

如左 爱君憂國之誠報敢事為之說而昧死以獻謹條其事 金欠电压人引 其 不壹以正心為本然本心之善其體至微而利欲 有必然者是以古先哲王欲明其德於天下者莫 之事無有不邪如表端而影直源濁而流汙其理 正則天下之事無有不正人主之心一邪則 人而一人之身其主在於一心故人主之心 所謂講學以正心者臣聞天下之事其本在於 卷五十

钦定四重全書 賢之言以求義理之當察古今之變以驗得失二 無窮之變乎然所謂學則又有邪正之别爲味聖 馬則亦何以得此心之正勝利欲之私而應事物 正之所在又必信其理之在我而不可以須更雜 尚非講學之功有以開明其心而不迷於是非邪 其間心體湛然善端呈露之時盖絕無而僅有也 行馳驅土木之華貨利之殖雜進於前日新月盛 之攻不勝其衆嘗試驗之一日之間聲色臭味游 歷代名臣奏議

幾而必反之身以踐其實者學之正也涉獵記誦 下幸甚 事理差之毫釐緣以千里惟聖明之留意焉則天 而以雜博相高割裂聚級而以華靡相勝反之身 有不正者鮮矣學之邪而心有不邪者亦鮮矣故 則無實措之事則無當者學之邪也學之正而心 講學雖所以為正心之要而學之邪正其繁於所 行之得失而不可不審者又如此易曰正其本萬 卷五十四

其二所謂脩身以齊家者臣聞天下之本在國國之 采有徳戒聲色近嚴敬遠技能者家之齊也內言 體於上妾接承於下而嫡庶之分定者家之齊也 不出外言不入苞苴不達請謁不行者家之齊也 外女正位乎内而夫婦之別嚴者家之齊也妻齊 賢之君能脩其政者莫不本於齊家盖男正位乎 不齊則未有能治其天下者也是以三代之威聖 本在家故人主之家齊則天下無不治人主之家

灰足四重全馬 一

歷代名臣奏議

其三所謂遠便嬖以近忠直者臣聞選生麻中不扶 意焉則天下幸甚 亦何以正其宫童杜其請託檢其烟威而防禍亂 身動由禮義使之有以服吾之徳而畏吾之威則 之前哉書曰牝雞之晨惟家之索傳曰福之與莫 困於酒色溺於情愛而不能自克者苟非正心脩 然閨門之内思常掩義是以雖以英雄之才尚有 不本乎室家道之衰莫不始乎相内惟聖明之留

金欠口匠人門

卷五十四

能審乎此以定取舍則其見聞之益薰陶之助所 則小人必疎未有可以無收並蓄而不相害者也 相容薰猶之不相入小人進則君子必退君子親 者必遠便嬖以近忠直盖君子小人如冰炭之不 地不能不楚言也是以古之聖賢欲脩身以治 也習與不正人居之不能無不正猶生長於楚之 而直白沙在泥不染而黑故贯誼之言曰習與正 人居之不能無正猶生長於齊之地不能不齊言

欽定四車全書

歷代名臣奏議

<u>+</u>

害吾之本心正性又有不可勝言者然而此輩其 國家之大賊人主之大蜮茍非心正身脩有於 亦有服儒衣冠叨稿科第而實全無行檢者是皆 類不同盖有本出下流不知禮義而稍通文墨者 則不惟其妄行請託獨弄威權有以害吾之政事 措刑賞所以施於外者必無偏败之失一有不審 而其導設薰染使人不自知覺而與之俱化則其 邪僻之防安義理之習者自不能已而其奉 卷五十四 次之四重社的一 性 多親宦官宫妾之時少則可以涵養氣質薰陶德 於朝以為人主當使一日之中親賢士大夫之時 痛恨於桓靈也本朝大儒程順在元祐間常進言 直之士望德業之成乎諸葛亮有言親賢臣遠小 見其情状如臭惡之可惡則亦何以逐之而来忠 以傾頹也先帝在時每與臣論此事未當不歎息 (此先漢所以與隆也親小人速賢臣此後漢所 此皆切至之言也然後主不能用亮之言故卒 歷代名臣奏議

其四所謂抑 誠 說故紹聖元符之禍至今言之循可哀痛前事不 **遠惟聖明之留意焉則天下幸甚** 則 私載日月無私照故王者奉三無私以勞於天下 以黄皓陳祗而亡其國元祐大臣亦不能白用 褊狹之度固已使人 服價於其間復以新舊而為親珠則其偏黨之 無臨博愛廓然大公而天下之人莫不心悦 私恩以抗公道者臣聞天無私覆地無 間然有不服之者而其好 順 而

欽定四庫全書 非 國妨德亂政而其害有不可勝言者盖左右廝役 惡取舍又必不能中於義理而甚則至於沮謀敗 深抑私情痛加屏絕則何以明公道而服衆心革 能禦下散上而不憂其有害於聖政也苟不有以 天之功以為已力而不顧其仰累於聖徳好賢嫉 以不正況今又有蚤懷姦心預自憑結者又将食 横加官賞官府僚屬例得聚遇固不問前例之是 而或者又不問其有無此固舊事之失而不可 登代名臣奏献

其五所謂明義理以絕神姦者臣聞天有顯道厥類 幸甚 者皆不用心正為此也又況有國家者當存遠慮 雄斷皆可以為後聖法惟聖明之留意焉則天下 若漢高祖之戮丁公我太祖之簿王溥此其深識 主不可偏與一府思澤若復令爾重位必使為善 王為一府作主今為天子為四海作主為四海作 宿弊而防後患乎唐太宗之責魔相壽日我昔為 **飲定四車全書** 天子以至於庶人報本享親皆有常典性器時日 欲辟惡鬼以来真人亦無所盆又況先王制禮自 徳行政康濟兆民則灾害之去何待於禳福禄之 来何待於禱如其反此則獲罪於天人怨神怒雖 者也未有不為惡而以守正得禍者也而況帝王 之生實受天命以為郊廟社稷神人之主的能脩 惟彰作善者降之百祥作不善者降之百殃是以 人之禍福皆其自取未有不為善而以諂禱得福 歷代名臣奏議 五

其監盖亦非遠苟非致精學問以明性命之理使 又将無所不至古今以此坐致亂亡者何可勝數 乗間投隙以逞其姦欺誑感之術既行則其為禍 有影響乃是心無所主妄有憂疑遂為巫祝妖 斷的禮之所不載即神之所不享是以祭非 PP 皆有常度明有禮樂必有思神一 乃其理之自然不可得而易也其或恍惚之間 為淫祀淫祀無福經有明文非固設此以禁之 卷五 十四 理贯通初無間 其鬼 如

其六所謂擇師傅以輔皇儲者臣聞賈誼作保傅傅 其言有曰天下之命繋於太子太子之善在於 亦不甚難察惟聖明之留意馬則天下幸甚 **恠明於萬物之情者不可問以非類則其為妄蓋** 慮深矣然傅有之明於天地之性者不可感以神 道以亂政假思神以疑衆者皆必誅而不以聽其 据以東禮執法而絕妖妄之原乎先王之政執左 此心洞然無所疑感當有即有當無即無則亦何

次之四車 全書

歷代名臣奏該

成中道若性而猶不敢怠焉其選左右之法則有 也至論所以教諭之方則必以孝仁禮義為本而 而天下定矣此天下之至言萬世不可易之定論 瞽詩史書工誦箴諫士傳民語必使至於化與心! 撒其膳而又必有進善之旌誹謗之木敢諫之鼓 其條目之詳則至於容貌詞氣之微衣服器用之 諭教與選左右教得而左右正則太子正太子正 細纖悉曲折皆有法度一有過失則史書之策字 卷五十四 次定四車全馬 一 之君所以有道之長至於累數百年而不失其天 其間則必逐而去之是以太子朝夕所與居處出 必取於孝弟博聞有道術者不幸一有邪人廁乎 必得周公太公召公史佚之流乃勝其任下之猶 三公之尊有三少之親有道有充有弱有丞上之 下也當誼之時固已病於此法之不備然考孝昭 入左右前後無非正人而未當見一惡行此三代 '詔則猶知誦習誼之所言而有以不忘乎先王 歷代名臣奏議 ナ

自た 区人 略矣盖其所以教者不過記誦書礼之工而未曾 除趙走之流而已夫以帝王之世當傳付之統上 與出入居處而親密無間者則不過官官近習掃 開 有宗廟社稷之重下有四海烝民之生前有祖宗 保傅之嚴講讀備禮而無箴規之盆至於朝夕所 雖極於邪侈而未當有以裁之也寮屬具員而無 之意降而及於近世則帝王所以教子之法益跡 以仁孝禮義之習至於容貌詞氣衣服器用則 1:11 卷五十四

其七所謂精選任以明體統者臣聞人主以論相為 武王豈不仕貽厥孫謀以熊翼子惟聖明之留意 職宰相以正君為職二者各得其職然後體統正 衛路之 侧盗賊之衛也豈不危哉詩曰豊水有艺 而朝廷尊天下之政必出於一而無多門之弊尚 焉則天下幸甚 **疎略如此是猶家有明月之珠夜光之璧而委之** 垂創之難後有子孫長久之計而所以輔養之具

欽定四庫全書

歷代名臣奏議

莫知以為慮者是可不察其所以然者而反之以 **甲雖有非常之禍伏於冥冥之中而上恬下嬉亦** 皆得以竊弄威權賣官衛欲使政體日亂國勢日 為心而以容身固寵為術則宰相失其職矣二者 交失其職是以體統不正綱紀不立而左右近習 當論相者求其適已而不求其正已取其可爱而 可替否為事而以趙和承意為能不以經世宰物 不取其可畏則人主失其職矣當正君者不以獻

次之四車全書 不立國勢不殭綱維不舉刑政不清民力不裕軍 否之柄常在於廊廟而不出於私門如此而主威 言之士使為臺諫給舍以參其議論使吾腹心耳 目之寄常在於賢士大夫而不在於群小陟罰臧 志而行其經世宰物之心而又公選天下直諒敢 不得不重任之既重則彼得以盡其獻可替否之 已而可畏則必有以得自重之士而吾所以任之 汰其所已用而審其所将用者乎選之以其能 正 歷代名臣奏祺

ヨケモノ イニー 其八所謂振綱紀以厲風俗者臣聞四海之廣兆民 焉則天下幸甚 忠且以唐太宗之聪明英特號為身無将相然猶 而整齊之使之各循其理而莫敢不如吾志之所 謂理勢之當然有不可得而易者惟聖明之留意 必使天下之事關由宰相審熟便安然後施行盖 政不脩者臣不信也書曰成王畏相語曰和臣不 至東人各有意欲行其私而善為治者乃能總攝 卷五十四 钦定四車全書 有罪者必刑而萬事之統無所闕也綱紀既根 照臨之是以賢者必上不肖者必下有功者必賞 無所私人主义以其大公至正之心恭已於上而 之所以根則以宰執東持而不敢失臺諫補祭而 切罪以公賞罰之施也何謂風俗使人皆知善之 驅之於下也何謂綱紀辨賢否以定上下之分核 欲者則以先有綱紀以持之於止而後有風俗以 可慕而必為皆知不善之可羞而必去也然綱紀 歷代名臣奏説

詇軟熟奔競交結之為務一有端言正色於其間 宰執臺諫有不得人點陟刑賞多出私意而天下 廉耻之俗已不愛矣惟至公之道不行於上是 善盖不待無陟刑賞一一加於其身而禮義之風 則羣識鬼排必使無所容於斯世而後已此其形 勢如将傾之屋輪與丹獲雖未覺其有變於外 天下之人自将各自矜奮更相勸勉以去惡而從 俗遂至於靡然不知名節行檢之可貴而唯

次之四車全書 語者惟聖明之留意焉則天下幸甚 是豈可不為寒心也哉二子之言明白深切非虚 而曰使管子而愚人也則可使管子而少知治體 謂四維四維不張國乃滅七賈誼嘗為漢文誦之 之綱紀而属已壞之風俗乎管子曰禮義廉耻是 臣各舉其職以明點防以信刑賞則何以振已頹 斷自聖志灑濯其心而有以大警教之使小大之 材木之心已皆蠹朽腐爛而不可復支持矣茍 歷代名臣奏載 主

其九所謂即財用以固邦本者臣聞先聖之言治 於民者比之前代已為過厚重以熙豐變法頗 必先即用此不易之理也國家承五季之弊祖 雖 創業之初日不暇給未及大為經制故其所以 不即而用度有闕則横賦暴敛必将有及於民者 和 有爱人之心而民不被其澤矣是以将愛人者 加而建炎以来地削兵多權宜科派又復數 有即用爱人之說盖國家財用皆出於民如有 宗 有 國 取

欽定四車全書 然內自京師外達都邑上自宫禁下至胥徒無名 力之所以大窮也計其所以至此雖云多是瞻軍 情捶撻號呼有使人不忍聞者而州縣歲入多作 上供起發則又於額外巧作名色寅縁刻剥此民 監司州縣更相督迫唯務自寬己責何服更察民 是致户部經費不足遂廢祖宗破分之法而上供 **咸額必取十分登足而後已期限迫促科責嚴峻** 供輸日久民力已殫而間者諸路上供多入內帑 歷代名臣奏議

始可議矣此其事體至大而綱目叢細類非一言 供軍不貨之費無幾亦可減即而民力之寬於是 省者悉從廢罷則亦豈不能少有所濟而又擇将 曹復破分之法於諸路然後大計中外冗費之可 帥 浮費亦豈無可省者竊計若能還內帑之入於版 本如上八者而後圖之則天下幸甚缺一條 可盡今亦未服盡為陛下言之惟聖明留意其 核軍籍汰浮食廣屯田因時制宜大為分别則

易言也而陛下必以言求之使臣而少言之歟則略而 臣之不肯則獨有所甚憂於此何者治道本不如是之 章之門納頭賤於至高之選此豈非堯舜之盛徳哉而 不足聽盡言之數則可以聽而未必信而天下之不知 考察其尤異者秩以不次之爵待以非常之用而天下 之豪傷亦莫不欣喜自効願致於其間夫開天下以不 葉適應路上言曰臣竊以陛下循祖宗之舊特韶近臣 於科舉之外薦聞天下之豪偽許以極言當世之事而

次 之 四車全書

歷代名臣奏該

處之者何其敢決而不疑也其言之多思之深豈無一 於天下之治亂軍旅錢穀之大計常先為之畫而以意 必然者盖自慶歷元祐以来著而為書者何其衆也其 等而卒不免以空言廢之此非陛下之意也而其勢有 之流使之運奇於異說之餘而求夸於陳言之外足以 二足用於世哉而後進之士耳剽目習以為言語文字 擇也則一切以為空言而盡廢之夫以有用之學責臣 者又将强言之於是天下之言雜然並進而其上莫能

金グロ及とい

之業者雖以漢唐有國之長其間不過數人而已況其 於天地君臣之大義而務盡其精微以與起一代帝王 深憂其故數以臣所論士之深識遠見卓然特出有志 而無所用夫上有寬博無忌之心下有慷慨盡言之意 何以為守是故今日之患不患人主之不求言也而患 敗天下之定勢則夫朝廷之上於其發謀舉事之際而 欠三日里 白地 皆前世之所不及也而其効止於若此此豈可不為之 其求之而不及用不患天下之不敢言也而患其盡言 歷代名臣奏議 五

發其大意而無至於盡言夫廢置更華立命造謀而出 於朝則其所以務然成敗之迹而推原當世之故宜特 竊歎廢食忘寝以為陛下幸使因方正之選萬一能進 不少緊見而泯没於山嚴木石之間者此臣所以中夜 民太甚持法愈密而為治愈躁至於經國之規御世之 變見近者或忘於遠獨任者或失於人計利太甲而求 豈得以僭言之惟夫居安者不思其危習常者不察其 政事於天下者天子與大臣之事也而疎遠一介之士

金好四屋石雪

異俗賢愚異慮而常患不能通朝廷之意上下不合則 次定四重全事 一 設科之意陛下幸使大臣擇馬 之論豫定必然之謀以逆堕於空言之譏而失明天子 餘篇而又序其所以發者本末如此無幾無猖狂驚世 相易若此者臣皆有以發之夫朝廷之上公卿百官所 要切近而不為随宏陽而不為迁盛衰之相因治亂之 以統天下而常患於不能知天下之情四海之廣南 敗出於其中而不知故臣以為誠略發其大意見於 歷代名臣奏議 支

君徳 而不變哉昔之人思其所以為人君之道以授 得其道以行之則生殺子奪之命皆無以服 臨天下夫莫尊於君之名莫重於君之位然而 主而使操之者其說多而詳矣或以為所寳者在 而禁防維持之不給尚安能保其民而與之長守 夫是故以天下之大常沾沾馬疑其並出以撓己 之心其所以為之臣者特迫於名位而不敢抗 臣聞人君必以其道服天下而不以名 天 位

金クロガノー

卷五十四

欽定四庫全書 廢也然而不以是先天下而後世之君奈何獨甘 其父兄親戚而有所不顧此三者雖非先王之所 心馬是以申商韓非之禍熾於天下而不可禁而 所恃者法也故不任己而任法以法御天下則雖 而天下之事自己而出者謂之君或以為人主之 共之者也故殺之足以為已威生之足以為已惠 至於死或以為權者上之所獨制而不得與臣下 令令行而其能逆故有留令虧令不從令之罰皆 Ki-1 日奏議 支

譬若狙猿之收者數千百年於此矣哀哉盖世有 於此哉以智巧行令其令必壅以智巧用權其權 弱子之類也又非若押猛虎者之類也智巧何為 非智巧之所能為也而況治天下者慈父母之於 押猛虎者能使之忘其搏噬之毒以媚已也此豈 愚以巧使拙其待天下之薄而疑先王之陋以為 耳目而近功淺利足以動人主之心於是以智龍 其君之徳固己削矣夫偏說鄙論習熟於天下之 次之四軍全書 一 而中有羡慕之俊心馬漢之宣帝有明智之才執 若是者有以示天下之威後世之君雖外諱其失 以贍其欲而天下之人赫然震恐不敢自必其命 未敢及馬秦始皇漢武帝雄武之資懾服宇內意 所誅戮如斃犬豕東征西伐萬里巡狩役使天下 敗可改之迹以見其意其遠而在唐虞三代者臣 而其義不得以盡言請泛論前世之帝王得失成 必侵以智巧守法其法必壞臣竊當悲當世之故 歷代名臣奏該

華利在諫諍則聽諫諍惟所利而行之而天下之 偶馭賢俊利在仁義則行仁義利在兵革 權唐之太宗少而為将即長而為帝王英銳明達 有所自為以逆其上之意若是者有以示天 賞罰之柄足以獨任天下鄙遠俗儒而恭之以霸 道略務寬厚而齊之以法律其動敏不懈而及於 惟然畢力願為之用至於斃精罷力繼之以死 技之細器械之微而天下之人拱手退聽不敢 卷五十 則用兵

T. J.

といて

乮

恃夫名位以臨之者也且夫風俗之所繁治化之 申商韓非之說則雖有天下之威也天下之權也 厚薄享國之長短人心之向背是豈可不留意而 天下之功也抑猶未得其所以服天下之道而徒 志者不免於羡慕始皇武帝之俊而精實求治者 推其求治之心欲庶幾馬而未之得也夫慨然有 而不悔若是者有以示天下之功是以後世之君 又止於庶幾宣帝太宗之事然後以其智巧而

一欠足可見上

歷代名臣奏謀

金グログ 君徳二 徳見於天下而天下服矣 年之偏說設論而無所入於其心雖不遠求唐虞 臣民之心使之脅息自語而不敢肆者則夫容受 掩覆大度不疑有以深結其臣民之心敷夫猜忌 三代之名而近亦無取於漢唐之恆則人主之實 信持法必行陰見天下之過而戾戾馬有疾其 擇也故臣以為天子之明聖誠能破壞數千 所謂人主之實徳者何也豈不以其容受 卷五十

次之四華全等 | 留名位之術而不知夫名位者不必留而未嘗去 巧任智斷制刑賞以執天下之命若此者凡以為 位之去已是故或出於令或出於法或出於權役 天下也雖然天下之治非若是而可致也名位者 而将去也則必反之而後可然則容受掩覆大度 也未曾去而留之然後天下始有不安之心不安 掩覆大度不疑曠然而與天下為一是宜可以 人主之所自有天下不得干也好治之君常恐名 歷代名臣奏談 **字九** 服

金与电点 由之塗也吾之一身足以驗之矣其於事天地尊 宗廟也真見其肅恭誠 臣侍御僕從之職其物為子女玉帛器用服食 其小者有期會節目之要其遠而萬民而近則羣 位 古之聖人自知其身有可以服天下之道而因 不疑者是亦留名位之術也未有服天下之道 以行之何者天下之政其大者為祭祀兵刑而 而其所分别好惡者則在於君子小人邪正 而不敢 解而神祇 也 名

欠小可以 Aist 哀於側怛而不忍雖不忍而不可赦也非徒減膳 喜深而致刻也其於天下之民也真見其可供而 微樂以為是虚文故事而已也而況於輕怒暴誅 捐賦寬釋通負以為之賜也而況於急征橫啟而 簡慢廢缺而不知畏也其於刑獄殺戮也真見其 不可勞可安而不可動可與而不可奪也非輕 之来格也非貌為之敬而意其不吾享也而況於 極也其於羣臣百官也真見其官各有守才各 歷代名臣奏議 Ē 租

金月四周百量 害天下而幸其臣之告已也非內不樂聞而外 寬容之意以悦天下也於其言也可從 見其朝不能以及夕也不徒聽之而終置之也而 也其於聽言受責也真見其過言過行之出有 跌而要之以報已也而況於姑使之充位而自 有宜界之以事而不相易也非貴其所賤親其 於拒諫塞誇而以不受教為能也其於君子 也真見君子之可敬而小人之當遠也誠以惡 則用之真 為 用 所

御 故其高厚可以配天地其明察可以並日月順陰 壞於其中而不知反也積之以歲月真見其悠久 游 也真意實徳充塞於人主之身而施之於天下是 也煩之以萬機真見其能無倦也凡此者皆實徳 之自便也而況於跟君子而比小人也其於聲色 **諛而好正救也不徒敬君子以為名而樂小** 也不待於欲之而以理禁之也而況於沉溺堕 **畋玩好珠玉也真見其簡靜而無欲屏棄而不**

欠正日日上江生了!

歷代名臣奏議

主

金与四周百章 内 深患也方其長慮遠想拊髀太息而思功業之盛 偏說設論何足以累於其心且夫忽近而務遠虚 為運轉闔闢則令不期而信權不制而尊法不嚴 憤夷狄之驕横則欲銳兵勇将鼓行四出以誅 不濟故人主誠自知其身有可以服天下之道 而必兵强國富而討除殘暴不順之夷狄何向而 陽之序遂萬物之性裁成輔相以左右民鼓舞動 以事外惡靜而不能動喜强而實弱此人主之 則

とこり るいけ 治勢上 弱秦之失强故忠質文之相代若循環之無窮而 之忠商之質周之文數百年而不變其後周之失 其所以服天下之道則聚務不勞而並舉矣 精之故夫人主有好治之意如此其急者必自知 財之未豐兵之未練則欲講求遺利肆習行伍以 厭風俗之顏堕則欲考核名實數見賞罰以厲之 之論治天下者以為三代之時其君各有所尚夏 欲治天下而不見其勢天下不可治己昔 歷代 名臣奏試 Ŧ

多好四届全書 弛 或者又曰弱之失在於惠也則莫若濟之以威强 於刑故賞不至於濫而無所勸刑不至於玩而無 之失在於威也則莫若反之以惠惠止於賞威止 **抬堯舜禹湯文武漢之髙祖光武唐之太宗此其** 周秦無强弱之失治天下者姑舍是乎古之人君 者器也而倭之巧不與馬故三代非忠質之尚而 所懼盖其意以為治天下之勢無出於此矣夫一 張者弓也而羿之能不與馬虚而我滿而覆

也及其後世天下之勢在物而不在已故其勢之 運化之外此皆上世之所未有而聖人自為之者 實錢日月秩序寒暑而鳥獸草木之類不能逃於 其後導水土通山澤作舟車刻兵刃立天地之道 在己而不在物則天下之事惟其所為而莫或制 劾有淺深而要以為天下之勢在已而不在物夫 而列仁義禮樂刑罰慶賞以紀綱天下之民至於 人皆能以一身為天下之勢雖其功徳有厚薄治

次定四車全

歷代名臣奏載

禍習以其天下之與人而不惟而其甚也宦官之 魏之司馬氏至於江南之齊梁皆親見其篡奪之 也而王氏卒以亡漢有在於權臣者矣漢之曹氏 下之勢有在於外戚者矣呂霍上官非不可以監 就天下之勢而求安其身者臣未見其可也盖天 其鋒至其去也坐視而不能止而國家随之以亡 至也湯湯然而莫能過反舉人君威福之柄以 夫不能以一身為天下之勢而用區區之刑賞以 佐

白り

卷五十四

欠了日间 江西 宦官或在於士卒而舉威福之柄以盡寄之者此 馬若夫五胡之亂西晋之傾覆此其患特起於公 易置人主如反掌之易而周世宗一日臨大位北 甚可嘆也臣嘗恠唐末五代之哀皆以列校之里 地為之分裂者數十世嗚呼勢在天下而人君以 微匹夫之奮呼士卒之擅命而天下之勢無不在 其身求容馬猶豫反側而不能以自定其或在於 柳子弟里巷書生游談聚論沈湎洛供而已而天 歷代名臣奏議

盂

金牙四月五十 內何其速也此無他能以其身為天下之勢則 下之勢亦環向而從已其必然而無疑者矣且均 於流涕痛哭莫敢誰何者 敗 **踐作十年之間不耀兵甲俘取僭偽之君若拾遺** 威契丹南服李璟法度脩舉文武並用太祖皇帝 不能什一 而天下為一身致太平為子孫萬世之計向之哀 **地缺二百餘年英武之君忠智之臣圖回收** 而舜王幼主俯首服從相顧憤發以至 養五 十四 朝俞然皆在把握 取

也合則治離則亂張則盛弛則哀續則存絕則亡 自棄者誠以勢之所在也故夫勢者天下之至神 豈以吾能為之而足以制天下者雖然鳥高飛於 天下何必畏一人質而天下何必慕而刑賞生殺 之憂天下之人所以奔走後先維附聯絡而不敢 重雲之上魚深游於潜淵之下而皆不免有鼎俎 治智者豈不能自謀勇者豈不能自衛一人刑而 是人也而何以相使均是好惡利欲也而何以相

欠己日東全時一

歷代名臣奏談

丰

金月中居人門 治勢中 續之變凡幾見矣知其勢而以一身為之此治天 者此聚人之所為無憂也盜賊在內而與我共其 臣當考之於載籍自有天地以来其合離張弛絕 亡有五而人主之得罪於民不與馬一日女寵二 垣鏑而納外寇者此憂之所不及也天下之亂與 有門其亡也有塗夫萬垣厚鍋足以備盜賊於外 下之大原也 臣請言祖宗天下之勢天下之勢其亂也

欽定四軍全書 使其門随而不足求不惟塞是塗也又使其塗微 者亂大者亡是故善治天下者不惟閉是門也又 而不足行太祖太宗削平專國統一方夏真宗仁 失徳於天下然後垂之以水旱動之以甲兵則小 已與我共之矣發以虐政致以嚴刑而播人主之 馬此其天下未遽亂也未遽亡也而天下之垣鐍 漢之近事為然也而三代亦莫不然是五者有一 **日官官三日外戚四日權臣五日姦臣此非特泰** . 歴代名臣奏議 李

尋即除治而又感狹其門顛錯其塗使其至者蹊 宗祈天永命义安海宇當是時也其要在使天下 周羣臣材智赴功遵力則不如漢蓄積富厚國用 無所害是故以言其井地牧民稅賦均一則不如 無女罷無宦官無外戚無權臣無姦臣随其前蘇 **隧絕滅四顧而問不得其所求係首而去之宫中** 不成出於此標天下之垣鍋以與天下共守之而 之裁決大臣之平章近臣之獻納小臣之議論無 四 欠と日年とき 亦可謂盛治而無以加矣而中國之所患者遼 告於迂闊而不信其近而在漢唐而可信也則又 過於前代夫學者之言治也其遂而在堯舜則常 乍亂幾亡而僅存可以傳之後世垂之無極則逐 也夏人也夏小而悍遼大而驕大而驕者或汎遣 以其不能久安長治而不足稱然則祖宗之天下 而天下之勢周密而無間附固而無隙不忽治而 然則不如隋拓地沙漠冠帶夷蠻則不如唐然 歷代名臣奏議

多至百萬分遣大臣經略中外朝野聚議謀畫屬 請而卒之天下困弊一方空虛曽不足以奏一戰 書解水陸之産百物畢致以中其欲小者或狂僭 自大竊擾邊鄙則大師貴将相次陷没配民為兵 有百萬之師申嚴警備旁及衛海為之益金幣厚 命使傳道言語以示其嫚侮之意則天下恐然如 之士相與慷慨憤激渺然長慮以為不可以久也 之提然而朝廷之上羈縻慰撫不失其歡而天下

金万里是

卷五十四

欽定四庫全書 | 者則皆以為異日天下之大禍存亡之所由分必 使之人自為守以持之而其所謂見遠察微之論 **慊然未厭之心深思極智以為國家憂未然之外** 出於二敵而不可救嗟乎處至足已安之勢而有 其意誠若此矣而況於二敵之必然軟雖然法始 賂以關之反間以亂之屢出以擾之委西北之地 强将士用命然後鞭笞而臣服之小言者則欲絕 故其大言者則欲脩改法度振起弊事使天下富 是代名臣奏議

驗敷且夫當中國安富契丹抗衛之際天下宣復 述之後凡祖宗之舊廢革無餘則其大言者既盡 天祚昏虐反足以自亡其國而已尚何足以為天 行之矣前取蘭會後取都善招扮族帳以剪西人 變於熙寧成於元豐雖中沮於元祐而卒行於紹 下之憂哉則見遠察微之論習於目前而終不之 之手足則其小者又略武之矣二敵卒無患也而 有女真也哉彼其崎嶇種落人卒不當一校

次定四車全事 一 治勢下 臣請言今天下之勢昔者天下無事忘戰 熊趙躐齊魯遂至勾吳以觀南海中有大河江流 内爱外以起内亂其為計也末矣 久矣女真起東北小國一日棄薦章挾勁騎直越 在已而不在物其次莫若使勢在內而不在外忘 之天下之勢在內而不在外也故其上莫若使勢 以致靖康之愛者昔之五患有其四馬耳由此言 豈有窥窬二大國之意於數百年之前者乎盖所 歷代名臣奏議 支九

為羣盗以自相標抄而已天子方親御征代之事 博采謀議而羣臣從官亦皆戎服肄習擊刺之術 **殘廢缺之時置學官飲鄉射定經界建實館懷徕** 難得也於是天子厭武亟詔罷兵修立文事於傷 犯難敢戰喜敵之氣誠使因而用之暫失之地不 門迎勞行留自恣莫敢襲逐而奔走之民所在聚 盆門太行之險而不能為之限所過城邑無不開 拒胡又十有餘年而天下始益習兵華有輕死

欠とり事をも 末戎王以殘虐失衆當舉傾國之力聲搖江漢既 夫目危者其動易習安者其變難不然則紹興之 妻子為意邈然忘其南北之事父兄門户之耻矣 避地者即其所至著籍為民而淮楚徹亭檄之警 問豪傑響應執殺其吏處處屯結或號三十萬東 而不戰自整狼顧北還無復行伍而清軍毫宋之 商贾往来道路無禁然後天下始復帖息以室家 遠人以文太平既而連歲屢豐州縣充實西北之 歷代名臣奏議 1

洛 復通則習安難變乃其勢之必然數臣觀今天下 以請命於王師此豈非其可以按剱抵掌經營 望乃始徐托罪咎引身而去其大略如此而忠厚 而天下之意終以不振竊議轉語惟恐好使之不 要指心誓日以功名自能及其寵異逾等尊用過 更易風雲之陣疏釋孫吳之言請對便殿條重邊 之士惟其嗜利無行者乃或叩閣投壓妄論形勢 上以属的義下以報館取千載之一時者哉然

金月口屋人言

卷五十

欠已习起心 誅强 雠則天下可以拱揖而定也而乃使之分治 斷廓清宇內如其責成将率使各盡力執大義以 之勢然其於并兼進取則固己難矣陛下英武神 法令明具而德澤所被民心不搖無以異於祖宗 列布内地而士之織弱無勇者乃反教以弓矢合 刑獄刺舉官吏或脱弁釋循而為儒臣然用收守 難進明見利害之人則皆深念根本之重以為不 可無發顧今天下之勢其於長淮以南上下人安 歷代名臣奏議 1

其主人何以待之歟将使其客盡廢其歌舞飲 而褰裳濡足以救 則不可使之自危而求戰盡變而能戰又大不可 以為樂者而其外且有焚溺之患卒然之憂焉則 也何也盖世有陳設珍器調諧絲竹而飲酒歌舞 射於庭而其偃蹇於州縣者亦或許之自薦而優 不肖盖當籌之以為使今之天下自安而忘戰 右職何哉豈非欲以變今之勢而後用之軟臣 之歟則其勢不可以盡能而徒

多分四屋台書

卷五十四

欠二日臣 公子一 皆能也皆能而臣竊憂其患之有不可勝諱者矣 昔者秦人之患在於不能無六國也是以日夜激 属其民使之功賞相長五甲首而肄五家當此之 酒歌舞者不知馬斯天下以為賢且智矣夫何以 異此强其所未能廢其所已能其要在於天下之 外不失為捍患而內無以傷吾樂患去功成而飲 赖者顧從而竊之矣然則亦付之其人而已使其 傷其樂且其往我也則其樂必不竟而奴婢之無 歷代名臣奏談

金片四月月十 馬是故享成功之利而不受其害然則天下之勢 虎豹犀象未當寧息取突厥滅萬昌吐谷渾東西 時秦人五尺童子皆有疾視山東之意由今計之 樂鳴玉曳組誦其詩讀其書而考其文義之彬彬 征討用兵不廢而其朝廷之內郡國之外制禮作 六國未無天下未一非秦人之所當患而長有其 之於周太宗之於唐則不然剪商奄平淮夷驅逐 秦以及於天下者此秦人之所當講也若夫成王 卷五十四

國本上 失於內則政有所害於外也夫國於天地必有與 為古之人君非不知爱民而不能爱民者意有所 為國之意而未及於民臣非以民為不足恃也以 臣之所謂本則有異為臣之所謂本者本其所以 固不可使之盡變也 敷本於民而從為國數昔之言國本者盖若是矣 國本者民數重民力數厚民生敷惜民財

RINDING LIMITS

立

亦必有與亡孟子曰三代之得天下也以仁其

歷代名臣奏談

四十二

||金岁口屋白書 守天下者皆如其始之所以得天下則何為而失 其昔何為而仁今何為而不仁使其後世之所以 失天下也以不仁國之所以廢興存亡者亦然且 之一日失其意則夫根據盤互者拜然顛蹶焦然 養之始必得其所以生之意而後天地之氣能生 者其華葉充紫者末也其根據盤互者本也此泉 之嗚呼是豈不可以深思而極論乎夫植木於地 人之所知耳夫根據盤互不徒本也自其封殖培

欽定四庫全書 舊起廢能復求文武之意遂稱中與及其後世東 選而惠襄靈景之君甘召單劉之臣所以施於天 而歸周至於成康之後則漸已失之獨一宣王脩 已為稷官傳十四五世而未當有失其所以得國 下比三代最為長久此非數也后棄在唐虞之時 下者悖謬而非先王之意至於益裒而自分為東 之意者然後文武受天眷命而天下之諸侯挈商 枯槁而已矣地安能受之哉臣嘗論周人之得天 歷代名臣奏議

唐之太宗起於細微單人挺劔特起臂指天下而 後其祖宗之意盡失而不繼以至於亡然則其所 西則其憲章文物莫有識者而塊然獨守其鼎然 倪 四海之雄無不東手受事相與於草創之中拜 以不仁者不能如祖宗之仁而已若夫漢之高祖 此 '者必有合天之心順民之心而非偶然而自得 雖不足以望周人積累之盛然而要其所以 仰而為之臣建置宗廟而立其典法以垂後 得 世

卷五十四

考而無疑噫有志之君長睨遠覽欲以跨越前代 旨者則又不知祖宗之意故其為與亡治亂皆可 其好謀而寡德者徒以變亂祖宗之意而昏童不 者固能守祖宗之意其賢聖者則增益祖宗之意 遂以哀敗而亡故臣以謂繼世而有天下其中才 宗復得其意則與而元成穆敬沈溺宴安莫知其| 祖宗之所以致此者何也徒憑籍而有之則其業 之也故其後世若武帝明皇失其意則亂光武憲

次定四華上等一

歷代名臣奏議

盟以為據當是時韓簡子與其佐士獨年皆不能 使之削薄而不悟此豈非其故臣遺老莫有以告 知也曰晉之從政者新子姑受功歸吾視諸故府 信合諸侯以城成周而宋仲幾不受功指踐土之 其昔謀其新者非其舊動搖侵伐其為國之本而 而不能深知祖宗所以得天下之意施於今者忘 之者敷其告而不之信敷春秋之時晉魏舒韓不 仲幾不肯曰縱子忘之山川思神其忘諸乎彌牟

金少口匠台雪

之淺陋何足究述謹擇其意之尤大與國家相為 制事微有變更而其為國之大意常增益而不發 曾莫識焉則其後世之失霸不亦宜乎恭惟宋有 天下之人受其陰利厚澤不知其所從来況於臣 以險要為固功徳茂盛源流深遠聖人繼作因時 天下肇立基本不以智力為治不以兵甲為殭不 所以主諸侯也諸侯猶記其舊而晋之從政大夫 反怒其誣己而執辱之嗚呼踐土之盟晋文公之

次定四車全書 ~

歷代名臣奏議

艺

國本中 罪 犯君之法不當以刑法御其臣夫人主之所與共 罪雖至親隆貴不得軟私而雖至親隆貴不能無 畢於此矣 未察而先言之則告君之義不為過而臣之區區 之明聖誠已知之而猶言之則爱君之忠不為煩 終始者二事事為一篇具疏其説以獻竊以天子 則刑法不得不用然臣以為人主能使其臣無 其一曰禮臣臣聞刑法所以待天下之有

卷五十四

次之可事公与 當舜之時既放棄共蘇雕兜之徒其所與為臣工 奉璋我我髦士攸宜夫聚賢材於朝而分之以百 成至於匹夫小民猶無犯法者而況其官師乎其 守其國家者自宰相以下至於一命之士皆必得 而折旋之以禮樂故其詩曰濟濟辟王左右奉璋 後周文武最能得天下之賢材而用之遇以信厚 岳牧者皆忠肅和惠明允篤誠之士故其治化之 天下之賢材而用之其不能無犯法者不得居也 歷代名臣奏謀 四十七

金灰电压 貴其士禮其臣者能使之無犯法而未當以刑 盛若此而桎梏廢於點則殺戮之人安得然於其 官之事被服有雲龍藻火之章駕垂有和變旗旄 於以法御之有以刑法御其臣之心則方其唯諾 御之者也取不能無犯法之人而材諸位則不 貴而後國貴國貴而後主尊然則周文武之所 之節以至奉性幣執豆邁薦告宗廟類祀天神 揚雄有言曰周之士也貴夫士貴而後官貴官 1 免

九三丁豆 三十 稱王既而擒滅菹醢至於宗族無有遺類其臣遂 高祖嘗裂數千里地使大功臣十數人得南面而 其身唐太宗嘗喜張蘊古所上大寶箴以為愛已 重位以寵秩不肖之人而亦輕於以鈇鉞刀鋸加 以禽獸自比故後世子孫習見前事不難於高爵 也故輕為姦而多犯法嗚呼此非國家之利也漢 **档廢放照劓殺戮無所寬貸而其臣亦不能自必** 殿上委任尊寵若将有腹心股肱之寄者俄而枉 歷代名臣奏議

多片四周全書 戮雖高祖太宗之明不能免也噫以刑法御其 為惟其臣如王珪魏徵號為面折庭爭亦其有以 使督交趾祖尚再三辭行亦誅死於朝堂而不 將 為非者然則當時以刑法御其下而快喜怒於殺 其姦臣未必得罪而連頭就戮前後相望者皆善 旦以治獄疑似遽命斬之謂盧祖尚文武忠義 君子也夫不能以禮化姦臣之心而以刑濫忠 以防姦臣而豈有意於輕殺人也哉自今效之

文で日東 Cano 當時以為所坐大逆法既具矣以其當典國事止 臣當命擇良日曰朕欲其保終吉也盧多遜事發 之始因其故相委任若六年而後罷太宗召拜近 恩之意一以寬大誠信進退禮節遇其臣下受禪 復興至於藝祖太宗而後盡去前世帝王許刻猜 耳盖舜文王之意迄周衰而亡歷秦漢隋唐而不 臣之罰國家将何便焉適所以借姦臣而為之資 命竄流盖漢之三公無以善去位者不自殺則受 胜代名臣奏議 2

誅其輕甚者猶以醌辭策之而自真宗仁宗以来 已而後從者又為之遷官加賜而付以重地前世 劉擊之獄以殺黨人而哲宗不從祭京當國又欲 之臣以諫諍忤肯而死者皆是也祖宗不惟不怒 執政大臣之将去也必使 之連疏自己若将不得 而不責以事後遂為定法其後章惇弄權當欲與 不任職者當汰而不忍始益官觀之員麋之以栗 又選推之以至於公卿神宗嘗疑其臣之罷情而

多好区屋石雪

欽定四軍全書 强復不遜傲法以自便者也若其逆亂反倒起於 宗之世盖秦漢之風息滅不繼而舜文王之意復 與天下之臣至有怯懦過當舉手畏法者矣未有 祖宗之世而不使姦臣妄殺一士者亦無過於祖 事二十年間子奪惟意而無殺士大夫之禍夫進 殺天下士而徽宗不聽紹典初誤聽宰相訴諫官 二人尋復自悔下詔責躬以謝天下故雖權臣用 以禮退人以義而不以刑法御其臣者無過於 歷代名臣奏談

國本下 非 能盡舉然大要其君賢而所任者仁人也則用刑 其人君子也則議刑常輕其人小人也則議刑常 常輕其君不賢而所任者非仁人也則用刑常重 舜文王之俗然歌 下而與臣下共守法此豈非祖宗為國之本意而 父兄子弟之間者盖不復有矣夫不以刑法御臣 惟用刑為然也而歷代之議刑者亦莫不然盖 其二曰恤刑臣惟歷代用刑各有輕重不

次之四車全 與唐而卒之能輕一代之刑者莫若吾宋也漢唐 莫若漢與唐其能求所以輕刑之意者亦莫若漢 苦秦之刑重而欲輕之久矣然而随其時之輕重 其人君子也而議刑亦不免於過重以為重刑所 重故觀其所用可以知其國觀其所議可以知其 而終於不能輕一代之刑夫後世有天下之長者 以致治非重刑而天下不可治者是可嘆也天下 人然而未也盖其君賢君也而用刑不免於過重 歷代名 臣奏 哉 <u>平</u>

錢以上軟坐死而茶鹽榷酤升合鉄兩之犯至無 論囚報重一郡之内一日有殺至數百人凡此者 坐之刑皆漢唐之所常用者此亦今天下之所未 生出者秆掛所用尤殘酷無法不啻若桀紂祖宗 今天下之所未曾有也五代暴亂承用重刑盗 會速久者積數歲而不解公卿以下重足待命其 之世或漸輕之或盡除之而參刑具五刑相收連 之時雖號治世猶多造大獄根連株送或数千里 1.1.1 卷五十

して フラーニュラ 曾見聞也夫以前世用刑之重而民亦無畏刑之 有竊息而不敢言者少年亡賴篡人於獄官寺之 殺人之權殺人未必死傷人未必刑而弱子幼弟 殺人於市或報仇行俠而天下大姓姦豪皆持生 耻 外商旅至不敢行若此今皆民之所無也夫天下 心滋長其悍虐視性命生死如旦暮或白晝挺刃 動其所懷皆有不畏死之心惟至仁可以柔之 俗熊趙强果具楚輕勵蜀人多怨至於激其所 歷代名臣奏試 -

新汽匹庫全書 禁民以自利均田輕税而民無為生之苦惟其狼 遠過於前世也雖然今世之用刑比漢唐為輕比 之所以用刑獨輕於前世而民之自愛而畏法亦 雖其自棄於盜賊者亦非重法之所能治此今日 能及也夫山澤之産三代雖不以與民而亦未當 三代則為重而後世之所以制刑者則雖三代不 民自得罪者其實無幾而坐鹽茶榷酤及它比巧 不遜以身犯法者乃得而刑誅之要之今世之

恤 於三代顧未能輕也則恤之而已矣然則祖宗 世之制刑仁於三代今既行之矣今世之用刑重 後世之刑不及上世之內刑也豈不痛哉嗚呼後 甚矣文王周公盖相承而不能變而論者則以為 雖省而一或行之則其肢體殘壞至於終身亦口 七矣故曰比三代之刑為重三代之肉刑也其刑 法田役稅賦之不齊以陷於罪者十分之居其六 刑可謂至矣以恤刑之仁行制刑之仁輕於漢

人子可与此的

歷代名臣奏議

五 主

多分口屋台書 **貳天下安寧室家相保未嘗有匹夫横行之變下** 唐而庶幾於三代深者無公名平者無後患重生 强無險要之固德澤雖未大利於天下而民不攜 刑之心而天下之君子不免有重議刑之心者其 也故臣之不肖以為誠使天下之賢君不免有重 民故此二者國家之大本無窮之祚不可變之俗 一謀上之姦者能隆禮以御其臣而恤刑以愛其 之坐厚雪宛之賞是故無智力之治無兵甲之 卷五

次定四車全書 一 民事上 賈誼陸繁復生為今日計未有以易此也 誰得而動之不顧而變其安危之端必自是始雖 是天下安之也久矣培之使益堅養之使不傷夫 之患而不察也豈不過哉夫二百餘年之國本在 呼有自来矣求一切之治而不知天下之情怒 禍最大其憂最甚此不可以不極慮而深言也嗚 人之罪而有并嫉天下之意用一朝之決貽無窮 古者民與君為一後世民與君為二古者 歷代名臣奏談

不可安嗟乎其孰能任是乎夫太息而言古義於 與古異故論古者事遠而不可行因今者冒行而 病其官後世官以不足病其民凡後世之治無不 君既養民又教民然後治民而其力常有餘後世 今必不能改将安所用徒以為笑於執事者而已 不養不教專治民而其力循不足古者民以不足 而已何足言也古之為民無不出於君者宣直 然不可不知也夫善論古者必始於田制徒田 卷五十 四 大とり目という 使之觀陰陽習四時而山澤之所有皆開示而勸 祀疾痛死丧必知其急其官自下士至於三公位 求之其牛馬六畜家之所藏必知其數其婚姻祠 必其君交手以付之然既已為之設官置更以教 授之田而已哉其室廬器用食物百工之須雖非 也故其治之之詳如此雖然其役民之多用民之 之通其有無補其不足其耕耘斂藏播藝之術必 之登降必因其民之衆寡其意以謂民皆不自能 歷代名臣奏議

至

金万里是有量 後世養之者不備治之者不詳使民自能而不知 要以為養之者備則其役之不得不多治之者詳 史胥徒宫室道路之事凡此有後世之所無者其 民鄉射讀法比之於問胥用之於軍旅役之於府 繁取其稅賦以供上之用度而春秋蜡社以禮會 恤其所以設官置吏貴賤相承皆因民之自能者 則其用之不得不煩君民上下皆出於一本而 從而取之或有天惠民病當一減租稅內出栗 卷五十四

故晚然受之而不敢解其乖戾反忤而治道卒 黨縣會考察之法一切盡廢以其不足者病民以 習於自能而無求於其上而徒以為上之治我也 其不養不教者治民毅然為之而無所愧而民亦 顀 然出於二本反若外為之以臨其民者故比間族 成之効者不特一世為然也雖然自漢至唐 動色稱質書之史官以為盛美其君民上下判 示販膽之意則以為施大恩德於天下君臣 相

次足四車全售

歷代名臣奏議

五

矣民自以私相賣易而官反為之司契券而取其 法則其民猶有以事君也盖至於今授田之制亡 有授田之制則其君猶有以屬民也猶有受役之 其出以與民者謂之官自賣田其價與私買等或 直而民又有於法不得占田者謂之戶絕而沒官 所以取之者聚而無名也是官無以屬民也受役 反贵之然而民樂私自買而不樂與官市以為官 之法壞而官以傭錢自募浮浪不事事之人官民

基五

欠小刀手上面 食之政上下相安不以為非嗚呼為古之民獨 有君民之勢爾世之俗吏見近忘遠将因今之故 巧立名字並緣侵取求民無已變生養之仁為漁 州縣有官吏相事相使相君相長不異於古者徒 役人三也而齊民之間又相分異不知其幾是其 國大抵今世之民分而為三齊民一也軍旅二也 民無以事君也君無以屬民民無以事君然則立 之急不相知也其有求請而相關通者既視若敵 歷代名臣奏議

金分口屋台書 良田沃土不耕不殖者朝廷當為之立法以来農 半租以庸之是容有情游者也故有求農而不得 幸而今使之至此也臣每見今之吏所謂勸農者 以告之既告而去之若此者何也若其州縣荒闊 月長吏集僚屬至近郊召父老而飲食之為之文 無得地而不農也官無遺地民無遺力而獻以二 未嘗不竊嘆也夫官有田而民不知種有地而民 不知闢故使吏勸之今其有者厚價以賣之無者 卷五十四

民事中 鞅 役衆而兵强田嬰稅增後衆兵强則所為而必從 果不足為矣 今異治而曰我無求為唐虞三代噫唐虞三代其 者無所用勸為官田者徒勸而不從君民二本古 民而使之從事焉耳豈為區區之文告哉為民田 所以壞井田開阡陌者誘三晉願耕之民以實 而必遂是故昔者戰國相傾莫急於致民商 為國之要在於得民民多則田聖而稅增

久正可自己的

歷代名臣奏議

至

金分四屆台灣 屬以還漢中盖蜀之亡也為戶二十四萬吳之亡 强 也為户五十餘萬而魏不能百萬而已舉天下之 之諸葛亮行師號為東義不妄慮獲亦抜隴上家 秦地漢末天下殫殘而三國爭利孫權搜取山越 者言之除已募而為兵者数百十萬人其去而為 大不當全漢數郡之衆然則因民之衆寡為國之 之衆以為民至於帆海絕徼俘執島居之夷而用 弱自古而然矣今天下之州縣直以見入職貢 卷五十 四

當生於王之土地而征之者軟夫前世之致民甚 皆不論也而戶口昌熾生齒繁行幾及全成之世 因其丁中而裁取其絹價者此其意豈以為民 均勢屬而不親是故無墾田之利無増稅之入 其衆强富大之形宜無敵於天下然而偏聚而 浮屠老子及為役而未受度者又數十萬人若此 知所以用之直聽其自生自死而已而州縣又有 不衆兵不强反有貧弱之實見於外民雖多而不

欠足の自己的

歷代名臣奏談

五

金少巴屋台電 論者曾真以為意此不知其本之甚者也以臣 難待其衆多而用之有終不得者今也欲有內外 懷利强力者則為商買為竊盜茍得旦暮之食而 為 之事因衆多已成之民率以北向夫孰敢爭者而 不能為家豐年樂歲市無貴難而民常患夫斗升 之有民必使之闢地闢 地以自業其為鈍不才者且為浮客為傭力 役出則可以為兵而今也不然使之窮苦憔悴 表五十四 地則增稅故其居則可 計

時獨不被兵又以四十年都邑之盛四方流徙盡 而米栗布帛之直三倍於舊雞豚菜站旗薪之 五州之衆當今天下之半計其地不足以居其半 集於千里之內而衣到貴人不知其幾族故以十 亦其勢之有不得不然者矣夫吳越之地自錢氏 能三之一有田者不自墾而能墾者非其田此其 所以雖善熾昌行而其上不得而用之者也嗚呼 之求無所從給大抵得以稅與役自通於官者不

次之四車全書 一

歷代名臣奏謀

六十

得其所猶不足為意而此一路之生聚近在畿甸 齊之間山陰最大而難治然猶不過三萬今兩浙 之下縣以三萬户率者不數也夫舉天下之民未 者乎田無所墾而我不得增徒相聚博取攘竊 地不足若此則其窮而無告者其上豈宜有不察 之間者十年之後将何以救之乎夫迹其民多而 而不置者數十百倍於舊盖秦制萬戶為縣而宋 五倍於舊田宅之價十倍於舊其便利上腴爭取 欠三日臣 八十丁一 智者之為乎且其土地之廣者伏藏孤兔平野而 唐五代不復振起今皆為下州小縣乃無一士生 然則亦古所未有也極其盛而将坐待其裏此豈 其間者而関浙之盛自唐而始乃獨為東南之望 荆楚甚盛不惟民户繁實地著充満而材智勇力 之士恭然出於其中孫劉資之以爭天下及其更 将盡棄而魚肉之乎噫此不可不慮也漢之末年 為衣食使其俗食許淫靡而無信義忠厚之行則 歷代名臣奏議 六十

墾而稅盆增其出可以為兵其居可以為役財 理 傷陰陽侵敗五行使其地力竭而不應天氣尤而 窟宅其地氣蒸鬱而不遂而其狹者鑿山捍海摘 居虎狼荒墟林恭數千里無聚落姦人亡命之所 之皆病也夫分関浙以實荆楚去狹而就廣田益 不屬肩摩袂錯愁居戚處不自聊 抉遺利地之生育有限而民之鋤耨無窮至於動 而自富此當今之急務也而論者則又将日慮 賴則臣恐二者

金灯四周石量

民事下 今之言爱民者臣知其說矣俗吏見近事 井田之制百年之間士方且相與按圖而畫之轉 抑無弁之術吏之殭敏有必行之於州縣者矣而 以相授而自嫌其迁未敢有以告於上者雖告亦 而大者則欲復古井田之制使其民悉得其利夫 儒者好遠謀故小者欲抑奪無并之家以寬細 聽其自變者乎 其因徙而生變夫豈有不變之術而未之思乎抑 K

火とり目とも

歷代名臣奏謀

黄帝至於成周天子所自治者皆是一國之地是 者其為法瑣細煩密非今天下之所能為昔者自 盡在官文武周公復出而治天下亦不必為井何 以尺寸步畝可歷見於鄉遂之中而置官師役民 於當世為治之道終不在此且不得天下之田盡 莫之聽也夫二說者其為論雖可通而皆非有益 夫正疆界治溝洫終崴辛苦以井田為事而諸 在官則不可以為井而臣以為雖不得天下之田 卷五十四

金万里尼台言

獨存矣故井田封建相待而行者也夫畎遂溝 廢於商鞅而後諸侯亡封建絕井田雖在亦不能 使 此十數歲之內天下将不服耕乎井田之制雖先 今天下為一國雖有郡縣吏皆總於上率二三歲 亦各自治其國百世不移故井田之法可頒於 下然江漢以南潍淄以東其不能為者不强使也 誰為之乎就使為之非少假十數歲不能定 代其間大吏有不能一 歲半歲而代去者是将

欠了可見公子

歷代名臣奏藏

空三

金万口屋台潭 難因今故堰遺陂在百年之外豬防泉流 使民自養於中亦獨何異於古故後世之所以 乎田之必為井不為井也夫已遠者不追已廢者 不如三代者罪在於不能使天下無貧民而不在 堰 而 環田而為之間田而疏之要以為人力備盡望之 而用博使後世之治無愧於三代則為田之 因山為源鍾固流潦視時決之法簡而易周力 可觀而得栗之多寡則無異於後世且大败 卷五 即 為 利

次之四草人生 者乃欲以其耳目所不聞不見之遺言顧從而効 歎息先王之良法廢慢於暴君汙吏之手後之儒 欲求商鞅之所愛且不可得矣孔孟生衰周之時 矣令俗吏欲抑無弁破富人以扶貧弱者意則善 并田雖不治而其大約具在故勤勤以經界為意 之亦咨嗟嘆惜以為不可廢追不難乎井田既 田遠在數千歲之上今其阡陌連旦塩聚選改盖 然瀰漫千項者如其湮淡絕滅尚不可求而況井 歷代名臣奏議 **空** 絥

於富人 富人役耳是以吏不勝忿常欲起而誅之縣官不 矣此可随時施之於其所治耳非上之所恃以為 當官輸雜出無數吏常有非時之責無以應上命 幸而失養民之權轉歸於富人其積非 治也夫州縣獄訟繁多終日之力不能勝大半 於富人游手末作俳優伎藝傳食於富人而又 民之無田者假田於富人得田而無以為耕借資 八歲時有急求於富人其甚者庸作奴婢歸 世也小

かり口月

111111

卷五十四

欠了可見とます 富人為事徒使其客主相怨有不安之心此非善 常取具於富人然則富人者州縣之本上下之賴 為治者也故臣以為儒者復井田之學可罷而俗 取名也夫人主既未能自養小民而吏先以破壞 自改則止矣不宜豫置嫉惡於其心茍欲以之威 無已者吏當教戒之不可教戒随事而治之使之 也富人為天子養小民又供上用雖厚取贏以自 封殖計其勤勞亦略相當矣延其豪暴過甚無 歷代名臣奏議 左

金分巴居台書 理財上 度又不復立虚談相財上下乖忤俗吏以果為實 羣臣當汲汲為之不然古井田終不可行令之制 使制度定於上十年之後無甚富甚貧之民無弁 吏抑無弁富人之意可損因時施智觀世立法誠 儒者以髙為名天下何從而治哉 不抑而自已使天下連得生養之利此天子與其 已矣非獨今之言理財者也自周衰而其義失以 理財與聚斂異今之言理財者聚飲 卷五十四 而

アスフラ ベステー 君子不知其義而徒有仁義之意以為理之者必 已矣故君子避理財之名而小人執 理財之權夫 之巧而民不知上有餘而下不因斯其為理財而 為取諸民而供上用故謂之理財而其善者則取 故舉天下之大計屬之小人 而不辭執之而弗置而其上亦以君子為不能 之資雖非有益於已而務以多取為悦是故當之 取之也是故避弗為小人無仁義之意而有聚飲 歷代名臣奏議 人雖明知其負天下之 六六

多好四庫全書 亦出於小人而無愧民之受病國之受誇何時而 君子避理財之名小人執理財之權而上之任用 不見或無節則散而莫次或消削而浸微或少竭 具或此有而彼亡或彼多而此寡或不求則伏而 巳夫聚天下之人則不可以無衣食之具衣食之 不義而莫之卹以為是固當然而不疑也嗚呼使 而 而不行是故以天下之財與天下共理之者大禹 不繼或其源雖在而浚導之無法則其流壅遏 卷五十

者也若是者其上之用度固己沛然滿足而不匱 周公是也古之人未有不善理財而為聖君賢臣 通之徒日我不為利也此其所以使小人為之而 也聖賢誠不為利也上下不給而聖賢不知所以 以奪商買之贏分天下以债而取其什二之息曰 無疑軟熙寧之大臣慕周公之理財為市易之司 矣後世之論則以為小人善理財而聖賢不為利 周公泉府之法也天下之為君子者又從而爭

欠己日草全事

歷代名臣奏議

大丈

祭祀喪紀皆有數而以國服為之息若此者真問 市之不售貨之滞於民用者以其實賣之其驗者 理財言理財者必小人而後可矣夫泉府之法紋 行而天下終以大弊故今之君子真以為聖賢不 而後世不足以知之以此嗤笑其辨者然而其法 而解之曰此真周公之法也聖人之意六經之書 之曰此非周公之法也周公不為利也其人又從 公所為也何者當是時天下號為齊民未有特富

金ケセたと

卷五十四

|飲之四車全書 數價而以其所服者為息且其市之售貨之滞於 二者之法非周公誰為之盖三代固行之矣今天 民用者民不足於此而上不斂之則為不仁然則 則民一切仰上而其費無名故賒而貸之使以日 周公不與則誰與之将無以充其用而遂與之也 祭祀喪紀猶有所不足而取於常數之外若是者 者也開闔紋散輕重之權一出於上均之田而使 之耕祭之室而使之居衣食之具無不畢與然而 歷代名臣奏議 六大

固不足以理財也謂周公不為是法而以聖賢之 乎嗚呼居今之世周公固不行是法矣夫學周公 遽奪之可乎奪之可也好其自利而欲為國利可 道不出於理財者是足為深知周公乎且使周公 之法於數千歲之後世異時殊不可行而行之者 上而富人大買分而有之不知其幾千百年也而 為之固不以自利雖百取而不害而況其盡與之 下之民不齊久矣開闔紋散輕重之權不一出於

卷五十四

有上之所未飲者乎抑己盡飲而不可復加數 於民後世日以增益今其棄而不求者幾也天下 財之在天下今其不知取者幾也秦漢之後創 之遺利天下之所不知不得而用之者幾也抑 耶今天下之財亦可得而略計矣黄帝堯舜以來 頻壓而議之厲色而爭之耳然則仁者固如 坐視小人為之亦以為當然而無怕也徒從其 然則奈何君子避理財之名茍欲以不言利 為 取

欠已四重全的!

歷代名臣奏謀

ナナル

金少口五 者固将盡因其子敷抑其父固共其子之財者 其父敷抑爱其子者必使之與其父敷抑孝其親 有十子闔其大門日取其子而不計其後将以富 者何說今之理財者自理之數為天下之理數 後 則 則今之開闔紋散輕重之權有餘不足之數 有君與國之用非民之不以與其上也而 有民而後有君有天下而後 而決矣奈何以聚為 H 理財而其上至於 有國有君有國 不 而

理財中 資其所不及盖三錢並行則相制之術盡矣而猶 夫率意而戲造猥以補一時之缺而遂貼後日 於楮楮行而錢益少此今之同患而不能救者也 不足至於造楮以權之凡令之所謂錢者反聽命 货而錢弁制其權錢有輕重大小又自以相制 者何以為君子哉 小人君子以為不當理財而聽其絶而不繼若是 天下以錢為患二十年矣百物皆所以為 而

欠了可見上言

歷代名臣奏哉

さ †

金好四屋台潭 亦弁色矣設法以消天下之利熟甚於此與利之 旅之至於都者皆輕出他貨以售楮天下陰相折 憂大都市肆四方所集不復有金錢之用盡以楮 皇皇焉而無從得此豈非天下之大憂乎夫見其 十年之後四方之錢亦藏而不用矣将交執空券 臣尚欲必行知摸刻之易而不知其為盡錢之難 閱 相貿易擔囊而趨勝一夫之力輕為錢數百萬行 不可勝計故凡今之弊宣惟使錢盆少而他貨

患於不密也是誠可密也若夫羨錢之術則鼓鑄 竭誠而獻者有二議有防錢之禁有羨錢之術夫 南出於夷北出於敵中又自毀於器用盜鑄者雖 識爾所貴於智者推其有無之所自来不反手 而 殺雜而能增之為器者日損之而莫知也此其禁 以為用邪下無以為市耶是不然也天下之所以 可以除其患且今之所謂錢之者豈誠之耶上無 有而因謂之有見其無而因謂之無者此常人之

次已四軍全事 一

歷代名 臣奏 議

羊

金发口匠 錢內積於府庫外藏於富室而欲以禁錢鼓鑄盆 為 催之巧何以致之噫不知夫造楮之弊驅天下之 銅 天地之産東南之銅或暫息而未復雖有成陽 徒知錢之不可以不積而不知其障固而不流 其能通百物之用也積而不發則無異於 已矣雖然盡鼓鑄所得何足以羨天下之錢 那 性融溢月錄歲化此其股天下之實亦已多矣 1:11 且錢之所以上下尊之其權盡重於百物者 引

宣智者之所為哉宣其思慮之有未及哉故臣以 謂推其有無之所自来不反手而可以除其患者 役楮於外以代其勞而天下有坐鎮莫移之錢此 獲則楮在而錢亡楮尊而錢賤者固其勢也貴莫 如珠金贱莫如泥沙至錢而平矣先王之用幣 至於此也齎行者有千倍之輕兒獸者有什一之 也雖然壅天下之錢非上下之所欲也用楮之勢 知積之不可以不多而不知其已聚者之不散

次已马里在野一

歷代名臣奏議

セナー

錢居其一而後世之用錢也它幣至於皆廢誠以 然臣又有疑焉計今日之錢自上而下者有兵之 奇畫者小人之自便以干其君者也不可聽也雖 而民之賣易以輸送者大抵皆金錢也故雖設虚 料有更之俸自下而上者州縣倚鹽酒雜貨之人 也一朝而輕千倍鲁不為後日之計者何也此臣 為輕重之適也故夫天下之貨未有可輕於錢者 之所謂弊極而當反者也天下之事本無奇畫為

金与巴尼西

卷五十四

火足四百 1 **隋亂而至富强米斗十錢以上為率何者治安則** 東南為稻米之區石之中價財三四百耳歲常 以供京師而資其錢令其中價既十倍之矣不幸 物蕃物蕃則民不求而皆足是故錢無所用往者 券以陰納天下之錢而猶未至於盡藏而不用方 帝時較至石五錢所以立常平之法唐太宗新去 何也古之盛世錢未嘗不貴而物未嘗不賤漢官 今之事比於前世則錢既已多矣而猶患其少者 歷代名臣奏哉

金欠只匠 盡 餘今何為而不足然則今日之患錢多而物少錢 較承平之所入者其錢之增又若干昔何為而有 禄較之於今日其用錢之增又若干東南之賦貢 米斗乃或止百錢為率耳然大要天下 百物旨貴 有水旱不可預計惟極南之交廣與素曠之判裏 禄較之於吾宋其用錢之增為若干以私平之賦 而錢賤瓜匏果旅魚鱉牛鹿凡山澤之所産無不 取非其有不足也而何以至此且以漢唐之賦 月皇 之人一可同人 理財 制物猶不可而況於持空券以制錢乎然則天子 錢貨紛紛於市而物不能多出於地夫持空錢以 錢而粗具何者其農力之所得者足以取也而天 賤而物貴也明矣天下惟中民之家衣食或不待 取 與大臣當爱其本而已矣 下之不為中民者十六是故常割中民以奉之故 見悲則疑其避勢相軋權相傾之際則疑其謀 下 使天下疑已不可以為天下臨財則疑 歷代名臣奏談 ヤナ四 其

動戶四月至書 若此者雖匹夫不能自立於鄉黨天下之人其所 信此固人情之所甚懼也噫蛇未必噬也而人疑 見之者無疑心雖然麟與鳳不常出於天下而 其螫虎未必搏也而人疑其暴有麟鳳之德而後 然盖将以求免乎天下之疑也故雖矯亢過情捨 以力為忠信應潔之行者未必其心安之以為當 利就害而不敢憚馬一節之疑足以傷其終身之 亦安得而不疑古之聖人所為大過乎人者 卷丘十四

たこり目とす 亦悲夫今國家之患法度未立號令未信財用未 如三代之多役民之力未必如三代之煩常為安 所以信服天下者明也後世之君用民之財未必 静之令数出宽大之言而天下終疑之而不置不 不疑其害已故聖人之於天下無不可為者以其 不疑其貪政令之行天下雖未必能知其意而終 天下之財而天下不疑其利擅天下之有而天下 故有所為而不能遂若此者不足為大憂也而 歷代名臣奏議 とする

在後奏疏蠲除不問緡石来椒報可此亦足以明 憂見颜色或特出使人申命長更通財我栗惟恐 儉服御簡約宮中之費可悉布於海內而無毫 某欠某負詔書已釋放矣民猶未信也曰此後豈 其深自結於天下矣而天下終不能無疑於其間 之私此亦足以明其無所取於天下矣一方水旱 不将復征之也開坐畫一條件無數謂之寬恤至 其憂則在乎未能免天下之疑何者天子仁孝恭

金分四月子言

疑之矣是猶可與有為邪夫當天下之皆疑此不 子以大義安天下非為苟且而已矣将用以滅敵 也而民又皆疑之曰此其挾國之重以病已也天 國計之近臣未必皆有取民之意也未必不與民 之曰此必将以與其利也下自一縣令而上至掌 特建一官或創立一司其事未見也而民已逆疑 而復北方也今也不出門閱之近而天下皆以利 深切矣民猶未信也曰此其文書未嘗不具也或

欽定四庫全書 一个

歷代名臣奏議

き

財侈矣而田畴不愈於舊使之能慨然 所 而貴臣之員多不省事而坐食厚禄夫明示天下 未復之仇而歲取吾重點官吏之數日益而 萬之兵不耕不戰而仰食於官北有强大之敵 可 用 無所用財之門而後天下無疑心若是者其無 不疑其利之耶嗚呼數世之富人食指衆矣用 以力勝而辨解也宜退而考其原今天下有百 耶然則雖上不能不自疑其為利也天下獨 一旦自 不損 以

次之四車全書 於上其告於上者姑曰陛下至仁法令明備羣臣 索然無聊而不止今天下欲為大貧竭盡索然無 為跖蹻之横尾生之信必冒為狙公之欺而非 相與言者必日今之官不可為也伯夷之廣必改 聊 於是賣田時衛實器以充之使不至於大貧竭盡 損而還其初乎是獨何憂雖然盖未有能之者也 非祖公則其事不可以濟然而不敢以其情告 之術耶又宣特上下相疑而已也天下之人私 歷代名臣奏議 七七 跖

急其州州又自急其縣而縣莫不皆急其民天 情今天下之財用責於户部户部急諸道每道各 可之所為耶使天下之用誠有常數而户部以天 之交相為急也事勢使然豈其盡樂為桑弘羊楊 而使民不能無疑耳上豈将以為然那臣敢言其 奉行不謹而因以詠求於其中故朝廷雖傳重信 下之税當之而有餘則户部必不以因諸道每道 不以因其州而州若縣獨何以自因其民耶 卷五十四 次已四事全事 賦 見其財數豈不為有事者地數天下方議更為貢 世而奈何以不足責其臣而謂羣臣以不足而後 以不足為有餘此出於不幸耳以今較之猶為平 也昔劉晏當肅代衰亂之際天下多事故謂晏能 而後見其財然則若是者固教天下之為弘羊者 耶所畏者上每以所不足責其臣使羣臣以不 其真桑引羊之流固且 不服而況其不為引羊者 之籍鉤考其會而悉書之使一縷以上上無 歷代名臣奏議 足

金にプロ・たといる 歴代名臣奏議卷五十四 為難治一 知其所自出而州縣不敢强取於民境今州縣號 之若此者天下愈疑矣 一縷以上既在籍矣而州縣之用於何取 炭五十四